

商城縣志

卷之首

序 舊序 纂修

銜名 凡例

卷之一

地理志上

圖考
沿革

星野
山川

疆域
附形勝
十景

序

余蒞商之四年秋邑紳士請於余曰我公之治商也革陋規清積弊振興文教創建義學若城郭若祠廟有裨於民者悉次第舉修歲捐廉俸不少恡惜惟吾邑志乘自康熙二十九年迄今百餘載未經修輯歷任父母志焉未遽似有留之以待我公者某等不才願襄贊執事以樂觀厥成焉余

惟江淹有言修史之難無出於志誠以志者憲章之所繫非老於典故者不能為昔陳壽號善叙述李延壽亦稱究悉舊事然所著二史俱有紀傳不克作志重其志也况邑志備輜軒之採傳信則國史亦信傳疑則國史亦疑所關甚鉅余簿書鞅掌學殖荒落何敢仔任第商志之不可不修者

卜之安有七百餘年間

國家渥澤之深惟恩間里嘉惠士林未遑紀
載一也山川建置如決灌之未得其源城
保之屢更其舊二也丁糧地畝之現額常
漕義社之實貯今昔不同三也武備則移
守脩增營汛巡檢則昔在金剛臺者議裁
今移牛食畝者議增官師歷數十任其為
教為養或得或失均宜續錄四也邑踞豫
州東南之秀人文蔚起或列甲科或登仕

籍累々若々後先輝映所當按次悉書五也忠義孝弟畸士文人以及節婦烈女表章宜急六也他若藝文之類或有關於世道人心或有闕於山川政治其宜撮拾搜羅者七也凡此數端皆非可緩余又何能以不文固辭遂尅日檢稽冊檔萃集羣書進邑中諸名宿相與發凡起例摺摭討論約以九志區為一十四卷而諸紳士採訪

序
三
叅訂督修考校者率皆虛公勤慎蓋衆益
多而事集計開局於嘉慶八年二月越六
月而志成昔宋羅願新安志自序云儒者
之書具有微旨不同記簿余方學為從政
數年以來兢業八時虞無以慰我士民
矧茲志事所謂辭尚謹嚴論踞體要者烏
能自信故所考核傳述轉欲以記簿之意
行之俾後之作者有所取資以成信史不

至以牴牾掛漏貽譏想諸紳士當有見諒
於異日者矣時

嘉慶八年歲次癸亥季夏

賜進士出身商城縣知縣調知商邱縣事候選
員外郎榮河武開書撰

商城縣舊志序

邑之無志猶渡海具舟楫而昧斗極貌有妍媸而無明鏡也前無鑑後無法人自爲荀袁家自爲政駁橫議多則是非亂典要湮則奸謫生故世者以史乘爲宗知道者又以作史爲懼邑之志卽十五國之風列國之史耳商城素稱斌雅兵燹之餘文獻漸滅殆盡余初涖任時蒐舊志僉曰灰燼急詢故老考核近事彙輯成書未遑也商俗近淳地近饒然地利無常惟人是恃夫物不素具者不可以應卒此君子思患而預防之有其備則無其事有時山澤皆民

之利導其流而源裕焉有時山澤資盜之藪因其幽蒨沮
洳而萑苻生焉間以數十年弊之所積逞於旦夕嚴以禦
之恐隄之決也寬以容之恐蔓之滋也獨不思往昔淳厚
之俗相安於無事變至此極乎獄者生民之大命也死者
不復生斷者不復屬夫人情安則樂生痛則思死捶楚之
下何求不得獄之成雖咎繇聽之猶以爲死有餘辜何則
成練者衆文致之罪明也讀官師志守令循良尸祝歌誦
者或百年或數十年謳思不怠有懼心焉求免巷詛市唾
也可矣士之樸者覩藝文而禮樂之心生民之黠者鏡往

昔之嘉言懿行而邪僻之習化周南召南被賢聖教化
故篤於行而廉於邑鄭伯好勇而國人暴虎秦伯好信而
士多從死陳夫人好巫而民淫祀晉侯好儉而民蓄聚太
公躬仁邠國貴恕由此觀之治一邑者審乎上之所尙而
已余於是兢兢焉然又有非邑令之所得主必借於民力
假之歲月仰結於同事者蓋商土山多於水溪浮於田賦
荒於人田荒於賦經制存留雖除荒徵收賦役雖著之令
甲征之民則日十室九空所謂商城土產漆竹者安在哉
蓋採取者無人亦終歸於朽腐成土苴已耳時有可否物

有興廢一人爲萬室陶豈得哉順其所欲行而治之則易爲功強其所不欲而復之則難爲力旨哉先臣蘇軾之言也自有此志人知禮義自坊吏茲土者亦知鼎宜自愛端有賴焉觀文章而知其時之盛衰觀人物則懷今昔之殊致邇往昔則深景仰之私衷余之素願也然履其田畝則動優恤之心稽其丁戶則勤生聚之感察其風俗則凜馭朽之懼矣兼屢奉憲檄督修苦無舊志可纂僅與二三同志蒐見聞徵遺蹟思攝累月草創初成始備一時觀感云非敢曰邑之志備於此也總以無舊志之可纂耳然文直

而事數文贍而事詳叙事不激說不抑抗竊取司馬遷班
固二良史之遺意也順治己亥知縣陳倉高材撰

商城縣舊志序

天地之心人物之情各相適而爲志九野有其屬五土有其宜以至萬彙有其歸觀於星野之分可以識天之志之所屬焉觀於山川之聚可以識地之志之所宜焉觀於風俗之遷流生育之蕃變可以識人與物之志之所歸焉志者記夫天地人物之志也猶列國之有史也流於心志蔚爲文辭識者採之覘列國之風氣歷世相傳披覽載籍如見千古之志况邑雖一隅碁布星列疆域錯繡志各有存不可泯也商邑寓內由古迺今爲城爲邑廢興數數無可

攷矣復開基於明之成化八年故老所傳近二百年來阡
陌間雞犬桑麻雍雍熙熙都人士禮樂文章彬彬郁郁土
志樸民志淳殆古帝治王風也迄崇禎之十有四年辛巳
春寇壓境城遂陷灰燼烈於秦火黍離茂於吳宮諸所記
載燹焉殆盡求所謂如接徃代之志莫之或覩客歲己亥
高令視事屢奉憲檄纂修爰進故老而 之遂獲成草
未經刪正余來令幾務未遑遽臻 首及邑志蓋以驗

士習民風於今昔已爾廣搜博採刪定成刻其以銘一邑
之志亦以風萬世之志云順治十七年知縣衡戴天撰

商城縣舊志序

歲辛未余簡任視學大江之南北吾兄開離郵書來教曰
予蒞汝寧之商邑蓋三載於茲矣承殘廢之後起衰蘆筦
靡有寧晷大約撫字急於催科寬猛法乎遺愛而其間山
川風俗人物材產與賦稅之增減制度之沿革文藝之盛
衰城郭衙舍之廢興自明季兵燹淪散在在牛不可攷所
存邑乘亦殘缺失次予欲訂正久矣今者大中丞閻公與
各憲頒諭哀集通省志書勅爲不朽予敢不黽勉從事亟
令學宮之明敏者彙爲成帙確遵憲條親刪定而益損之

去其繁支傳其信雅蓋以邑之有志所以紀往詔來彰善
闡行俾循良賢隲如睹旃常下逮草木蟲魚亦皆蒼萃茲
且付之剞劂以光盛典矣予盍爲我叙之予發冊讀竟不
覺喟然歎興憶昔與吾兄風雨晨夕篝燈夜誦相期通曉
古今爲有用之學而吾兄沉靜淵達言笑不苟發爲制藝
則醇正和暢得先民之腴尤精於易理窗稿一出人爭寶
爲聞戰之秘自乙卯予與大升弟獲登賢書吾兄不以不
遇而稍阻其志丁巳幾告雋矣爲嗇於數而細焉夫以吾
兄之才豈不足較書天祿以黼黻盛治而乃山城清署暇

或鳴琴勞則戴星簿書瀆於几研鞭笞擾於耳目揆之初
願固於是乎哉雖然千仞之木必深其根柢百尺之臺必
大其基址古人有治一邑而名成而功著膺廟廟之選作
公輔之器卓卓可攷者載在史策間則吾兄今日之牛刀
小試卽異日股肱翼爲之深根大基也且今日之輯志以
垂諸永久卽所爲千仞之枝百尺之臺俾後人流覽而興
仰止之思也予能不喟然嘆興乎抑又聞之商署之廢殆
五十餘年矣自吾兄至而悉傾已費以大其規模不顧家
之貧也此更爲人之所不能爲予又惡能嘿嘿已耶若夫

商邑之山川風俗人物材產與賦稅之增減制度之沿革
文藝之盛衰城郭衙舍之廢興一披志而瞭若指掌無俟
予之多言也故不贅許汝彛撰

商城縣舊志序

事有迂而實切雖非簿書期會之所急而爲政教風化之攸關者志是也考之周官大司徒以天下土地之圖周知九州之廣狹而辨其山川墳衍之名人事物產之屬故小史掌其志外史達其書因之列國諸侯亦各有史蓋以稽星野識沿革修職貢核事功徵文考獻修禮明樂而久安長治之業於是乎在焉今之一邑足方古之一國古之國有史今之縣亦有志志不綦重乎哉商城舊志修於順治己亥歲因勝國兵燹之餘載籍散失僅得於父老傳聞雖

成卷帙不無遺文荒畧之憾距今三十禩時數遷流有同
雲馳事物紛紜亦如波委會無一著述自任者爲之補其
闕而正其譌良可慨也已巳仲秋余承乏茲土例得取圖
籍而閱之迫讀其邑乘輒不禁掩卷而嘆願以民事孔棘
斯夕綜理冀稍有裨益無貽曠瘼誚誠未暇問及文事期
月來農畝笠輕訟庭簾靜乃撫輿圖而覽雲物課桑麻而
烝髦士遂欣欣然有搦管點定之思會大中丞閩公憲檄
遙臨諄諄以續修邑志爲屬并頒程式以示同文余承命
拜手而言曰臚文章崇道義潤色典籍以翼休明者大臣

之職也竭智計羅見聞廣搜博損以資採擇者有司之責也余雖鄙弇寧敢遜謝第作史有五難有四蔽有三長必易其所難祛其所蔽兼其所長而後敢簪筆是任夫前人有志後人徃徃挾策議之倘續其後者仍冒昧從事吾恐後之議今亦猶今之議前矣且志也者一邑之實錄也文欲精簡不欲煩襍事宜考信不宜傳疑此豈一人一日之所可成其功乎用是謀於同寅咨及學博與邑名雋數輩多方采輯周悉無遺余於公務之暇忝其可否定其去取增昔之所無續今之所有次第彙帙閱四月而始告竣固

不敢以信史自矜意者天祿石渠間欲成秦湯之高深或
亦有資此涓埃之細也不寧惟是商邑雖山城僻壤在明
慶歷啟禎時生齒繁庶文教昌明其山川疆域上應星文
下接吳楚田野沃饒稻穀竹木之利滋及氓庶以至土風
之淳茂士女之潔修巍科甲第接踵而興忠孝節義蟬聯
而起高士畸人往往寓蹟其間而官斯土者亦多著偉績
躋顯秩焉文物聲名之盛殆非隣邑所能侔也自寇氛一
變疇昔風流蕩然無存迄今俯仰流連漠然徒見山高而
水清以我 朝愛養昧煦四十餘年漸次興復卒未及

曩時之什一者蓋緣凋耗特甚縱極力培育亦難遽臻上
理也是書既成則民生利弊瞭然在目將來附於通志上
之司徒以備小史外史之選凡其所以措置安全者無不
可周知而預計之由是久安長治傳及無窮余且藉憲台
盛舉相與垂名於不朽豈非厚幸也歟康熙二十九年知
縣語溪許全學撰

商城縣志卷之首

纂修街名

監定

分巡南汝光道駐劄信陽州兼管水利事務林樹芳

大興人貢生

光州直隸州知州卓異候陞台倫

正黃旗人

光州鹽捕水利直隸州州判陳燧

安縣人拔貢

纂修

商城縣知縣候選員外郎武開吉

樂河人進士

協修

商城

縣

教

諭劉崧屏

登封人舉人

商城縣復設訓導

導鄭捷三

懷慶人舉人

監刊

商城縣牛食畷巡檢徐萬春

婺源人監生

商城縣典史何瀚

宛平人議叙

叅閱

實錄館纂修翰林院編修程國仁

邑人傳臚

翰林院編修

黃任萬

邑人進士

刑部山西司員外郎

張國鶯

邑人監生

刑部主事陝西司行走候選員外郎周 鉞

邑人進士

刑部主事廣東司行走黃思宸

邑人進士

內閣中

書何允徽

邑人進士

分修

候選

訓

導周之駮

邑人進士

庠

生周之驥

邑人

督修

誥封

奉

直

大

夫黃師萬

邑人進士

候

選

知

縣楊嗣沅

邑人進士

貢

生吳錦含

邑人

候

選

州

同熊家祉

邑人

叅訂

庚

甲

科

舉

人楊心鎔

邑人

候

選

光

祿

寺

典

簿周

曦

邑人
貢生

廩

貢

生王輔政

邑人

監

生楊文驃

邑人

監

生周之璠

邑人

校對

庠

生何毓琬

邑人

壇

生洪履益

邑人

庠

生熊傳本

邑人

廩

生王道平

邑人

經理

署山東汶上縣縣丞試用縣丞周衡

衡

邑人
貢生

州

同周文邁

邑人

貢

生楚維光

邑人

繪圖

山

人裴應麒

邑人

東路採訪

揀

選

知

縣王世瑚

邑人舉人

貢

生吳錦含

邑人

廩

生楊維清

邑人

南路採訪

候

選

知

縣楊嗣沅

邑人進士

庠

生熊傳本

邑人

監

生周之藩

邑人

廩

生黃菊

邑人

西路採訪

庚

申

科

舉

人楊心鎔

邑人

增

生洪履益

邑人

北路採訪

誥封

奉

直

大

夫黃師萬

邑人

廩

生楊嗣寶

邑人

貢

生楚維光

邑人

謄錄

王承笏

邑人

王輔哲

邑人

梁元

邑人

辦事書吏

吏房江可純

禮房吳鳳來

戶房王有年

倉房熊甘溥

禮房管滋任

禮房程安仁

兵房傅士全

倉房許朝傑

刑房丁耀先

工房沈禹翰

商城縣志

凡例

一 邑志前明無考順治己亥秋邑令高公材開局修
修延邑貢生黃卷編著越明年邑令衡公戴天
成之康熙庚午邑令許公全學再修率皆迫於需
檄止取脩文未加考訂是編徵引不出兩書折衷
尙資羣籍

一 許志分輿地建置典禮食貨職官人物藝文爲七
志餘目各以類從茲釐其繁簡叅以各志斟酌損

益增之爲九曰地理曰建置曰食貨曰學校曰官
師曰貢舉曰人物曰列女曰藝文類凡七十有二
卷凡一十有四綱以統目目以繫綱每志各弁小
序以伸其旨而其中異同考正之處量加按語以
發明之

一邑境萬山重叠百派交流頗形雜沓然山有支幹
水分經緯未易混淆茲仿之山經泰以水注山脈
則溯自西南分爲三幹水源則定爲灌決餘皆附

流其詔虞水石槽河則別爲二流一達於史一達

於漉此邑乘之大者故於地理志中考証加詳餘亦頗多增訂

一

國朝承明季凋弊之餘迨許令修志時建置尙皆草創歷今百數十年城郭宮室壇廟鄉關次第胥臻美備夫慎防守固封圻令尹之責也而軫念民艱寬恤財力是志恒三致意焉

一食貨國之大政我

朝戶口繁滋永不加賦地丁畫一事弗煩苛是爲舊志

所未遑益見

新恩之叠沛其他稅課積貯較前皆有變通而

蠲租賜復老老推

恩之典史不絕書是宜敬纂以廣

仁

一 禮教爲建學所必先故學校一志首錄

聖訓以端立教之基終紀典禮以示率由之準而廟制祀
典學制書籍次第詳之他如書院之創義學之建

鄉會盤費之籌備又皆前志所無悉著於篇以見

無人不可學無地不可教而獎厲誘掖之權爲上者當因時而善導焉

一邑雖褊小封爵自宋公孔安而外溯漢及明復得六人匪侈封建存往跡也官師則唐宋以前無考斷自明成化間始高志云治於其地宦跡昭然卽署篆佐貳師儒前哲凡已往者紀載脩焉若見任蒞土卽心深愛敬畧焉不書久而論定去而見思其論良是茲名宦立傳之例從之

一

國朝用人之法三途並進廣賢路也故科目明經而外他途皆例得書至舊志之遺漏者補之訛錯者正之或遵郡志或參他志其無確證者不敢臆增

一志傳之例與史傳小異與家傳則大相逕庭蓋史傳賢奸並著志傳則意存彰善以樹風聲至家傳多出於一時朋友投贈或子孫表揚祖父之作不無鋪張揚厲志傳則事貴覈實詞歸簡要舊志迫於檄催人物列女多取家傳入之殊非體制茲於

舊傳參以郡志畧加刊削新傳則核其行畧不無

折衷非敢曰自成一家言亦如新舊唐書各有體要無取雷同

一舊志距今百有餘年其間循臣碩士淑媛貞姬應列傳者固不乏人而妄思廁入者亦復不少

開吉

蒞任五載頗有見聞第耳目窵難周悉不若土著者祖父相承傳聞得實故人物列女兩志委之紳士採訪有人修訂有人庶其棄瑕錄瑜存真黜僞以成信史

一買菜求益市瓜取肥丈家所嘗施之志傳尤非所

宜故麗雜漫誕之詞勢難從衆至蓋棺論定古有成例尤當確守惟幽閨孀潔年例已符者既得邀旌典卽年例稍有未符亦可待

旌不妨生者附入其守節之年在三十以上現在之年在五十以下者不與

一 人物列女兩志多立門類所謂善善從長以厲風教非爲入志者開依違遷就門徑也故凡志局呈送各稿循名責實務求確實其中或分傳或合傳

一舊志藝文釐爲二卷益以百有餘年之著作幾於美不勝收第又以輔志與選體異其有關於邑事者寧錄之無關於邑事者雖佳不錄然亦有因人以傳文者矣

一邑志之有怪異紀述蓋古人雜史雜記之遺也通考以爲野史之流事多異聞言或過實舊志所載事多瑣屑難資博采故悉刪之至祥異一類雖曰治世不言亦庶徵之驗也守土者取刑得失於是乎見錄之以存省惕

一舊志兩經編輯茲役原擬續修二百餘年之中舊志殊多簡畧况成化十一年以前康熙二十九年以後乎是編歷徵前史博引羣書或訪諸父老之傳聞或稽之府史之冊檔信者傳疑者闕遺者補謬者正會萃成帙庶後之博雅君子刪定有所憑藉云

一郡邑各志非一人一家之私著凡其人其官其地其事例得直書不襲滅字換字之病所謂臨文不

諱也故志中小序暨各按語

開吉

亦自稱名

一 是役既非檄修亦非詳請乃邑紳士倡捐修輯以
存文獻凡與事者既列銜名而助修者不書姓氏
亦非勸善之道茲仿諸城劉青岑太守平陽府志
之例別爲末卷詳附於編以旌義舉

卷之首

序

舊序

纂修銜名

凡例

卷之一

地理志上

圖考

沿革

星野

山川

疆域

附形勝
十景

卷之二

地理志下

古蹟 風俗 物產 陵墓 寺觀

卷之三

建置志

城池 壇廟 公宇 坊里 集鎮 關隘

附津梁

兵防 郵置

卷之四

食貨志

戶口 田賦 稅權 積貯 鹽法 蠲賑

恩賚

卷之五

學校志上

聖訓 廟制 祀典 學制 附鄉會
盤費 書籍

書院

卷之六

學校志下

義學 典禮

卷之七

官師志

封爵 職官 名宦

卷之八

貢舉志

薦辟 科目 明經附例 武科 仕籍附許志

武仕 封贈 職員 鄉賓 材幹 吏員

卷之九

人物志

仕賢 孝友 忠義 文苑 卓行 流寓

隱逸 方技

卷之十

烈女志上

賢淑 貞烈 節孝

卷之十一

烈女志下

節孝 附割股 現在守節 附壽婦

卷之十二

藝文志上

詩 賦

卷之十三

藝文志中

疏 序 傳

卷之十四

藝文志下

記 引 說 畧 考 論

約 誌 錄 祥 異

卷之末

助修姓氏

商城縣志卷之一

知商城縣事榮河武開吉纂修

地理志上

圖考

沿革

星野

山川

疆域

邑之有志凡以志地也而志家多侈言輿地詩詒曰
輶軸之上加板以載物軫軾駟較之所附植輿其總
名也邑僅一隅稱輿庸矣况漢唐各史暨我

朝纂修明史皆稱地理近日志家所推如康對山之武
功陸清獻之靈壽皆其卓卓者亦不以輿名茲列圖
於首繪其理也沿革究而溯其理於古焉求其理

上則辨星野殺其理於下則奠山川疆域卽理而
古蹟藉理而存理之著於人倫者爲風俗理之感
庶類者爲物產他如墓大夫之所掌二氏之所棲
皆相其理之融結者而踞之也余故於輯商城志
詳其地之理於篇首云作地理志

圖考

周官大司徒以天下土地之圖周知九州地域廣
之數職方氏掌天下之圖辨其邦國都鄙之人民
其財用穀畜之數要周知其利害故蕭何入關先

圖書具知隘塞強弱卒成漢業志之有圖良以一方之山川道里要害形勝一覽可周因地設施易爲力也舊志各圖僅存其概不足以章法守今繪疆域全圖一正封疆也闕隘防守圖一資捍禦也城池圖一詳職守也縣治圖一出政之區邑人所瞻仰也學宮圖一文峰書院圖一學校興師道立則民不偷也四鄉圖各一章都鄙伍廬井若網在綱馭之不勞也他如舊志十景附於疆域之末不爲列圖者附會渲染覽之增矇無益政教寧爲畫家作粉本耶

疆域全圖



源子開城二百
 里與湖廣羅
 口縣交界





圖考

城池圖


迎旭門


東關







縣治圖







學宮圖





文峰書院圖







南路二十保圖

方山與麻城交界

湖廣麻城縣交界

此九水河白馬取嶺美

黃巖山高

城一百里

大僧山

此九水河

米通城保

里与湖廣黃

木廠店

長村

界

界

麻城縣交

九歌山與

界

界

界

九歌山與

界

界

界

界

雁門關奇

城一百里

界

界

界

大界嶺卡房奇

城一百里

界

界

界

麻城縣交界

界

界

界

界

界

界





三里坪保界



右爲圖十凡無益於山川疆域政治風俗者不列志
以徵實非飾觀美也繪者爲邑人裴應麒應麒性孤
潔寄意丹青有得於筆墨之外者因其董斯役也例
得書

沿革

高陽氏封子庭堅於安會孫陸終封於黃城

高氏舊志商城有安陂城觀音鋪西五十里又注

云黃城卽商城

夏在揚州之域

禹貢淮海爲揚州邑處淮南地理今釋揚州今汝
寧府光山固始二縣光州皆是彼時邑入固始爲
商城鎮

春秋爲吳國地

春秋襄公二十六年楚子秦人侵吳及雩婁聞吳
有備而還杜預注今屬安豐郡水經注縣故吳也
又爲梁之南境

戰國策蘇秦說梁曰南有新鄆
前漢書應劭曰秦伐魏取新鄆

秦分天下爲三十六郡邑屬九江郡

漢屬汝南廬江兩郡

前漢書汝南郡曰新鄴注云莽曰新延漢興爲新
鄴廬江郡曰雩婁注決水北至蓼入淮又有灌水
亦北至蓼入決

東漢屬汝南郡宋公國

後漢書宋公國周名鄴邱漢改新鄴章帝建初四
年徙宋公於此

晉爲宋信相屬汝陰郡又爲雩婁縣屬安豐郡

劉宋屬汝陰郡爲宋縣南齊元魏因之

宋書汝陰太守晉武帝分汝南立成帝咸康二年
省併新蔡後復立領縣四宋令前漢名新蔡章帝
建初四年徙宋公國於此故曰宋又邊城左郡雩
婁令二漢屬廬江晉太康地志云屬安豐郡

隋置殷城縣屬弋陽郡

隋書舊曰包信開皇初改名焉梁置義城郡及建
州并所領平高新蔡新城三郡開皇初並廢有太
蘇山南松山

唐武德元年置義州貞觀元年復置殷城縣屬光州
弋陽郡西有定城故關

宋建隆元年避宣祖諱改殷城爲商城屬光州上弋
陽郡光山軍至道三年省入固始爲商城鎮嘉熙元
年軍亂徙光州治於商城之金剛臺尋復故

元亦爲商城鎮墮固始隸汝寧府置達魯化赤於金
剛臺

明初屬中都臨濠府洪武十三年墮固始屬汝寧府

光州成化十一年復置商城縣屬如故

明史地理志州東南成化十一年四月析固始縣
地置

國朝因之雍正二年升光州爲直隸州縣仍屬

省志雍正二年撫軍石公文焯以汝寧府轄二州
十二縣道里遙隔稽查難周請照晉省分隸之制
除附郭之汝陽及上蔡信陽等九州縣仍隸汝寧
外光山固始息縣商城分隸光州改爲直隸州督
催盤查各縣錢糧及徇庇失察俱照知府之例處
分部議如所請

星野

史記天官書房心豫州 史記正義氏房心宋之分

野豫州 前漢書天文志房心豫州宋鄭之疆候歲

星占房心 後漢書郡國志注帝王世紀曰自柳九

度至張十七度曰鶉火之次於辰在午謂之敦牂一

名大律於律爲林鐘斗建在未今周分野 晉書天

文志自氏五度至尾九度爲大火於辰在卯宋之分

野屬豫州

費直起氏十一度
蔡邕起亢八度

汝南入房二度 隋書

地理志弋陽淮南屬揚州於禹貢爲淮海之地在天

官自斗十二度至須女七度爲星紀於辰在丑吳越

得其外野 唐書天文志僧一行以爲天下山河之

象存乎兩戒北戒自三危積石負終南地絡之陰東

及太華逾河並雷首底柱王屋太行北抵常山之右

乃東循塞垣至濊貊朝鮮是謂北紀南戒自岷山嶓

冢負地絡之陽東及太華連商山熊耳外方桐栢自

上洛南逾江漢攜武當荆山至於衡陽乃東循嶺徼

達東甌閩中是謂南紀河源自北紀之首循雍州北

徼達華陰而與地絡相會並行而東至太行之曲分

而東流與涇渭濟瀆相爲表裏謂之北河江源自南
紀之首循梁州南徼達華陽而與地絡相會並行而
東及荆山之陽分而東流與漢水淮瀆相爲表裏謂
之南河故於天象則宏農分陝爲兩河之會自陝而
西爲秦涼北紀山河之曲爲晉代南紀山河之曲爲
巴蜀自陝而東三川中岳爲成周西距外方大伾北
至於濟南至於淮東達鉅野爲宋鄭陳蔡河內及濟
水之陽爲鄴衛東濱淮水之陰爲申隨北紀之東至
北河之北爲邢趙南紀之東至南河之南爲荆楚自

北河下流南距岱山爲三齊夾右碣石爲北燕自南
河下流北距岱山爲鄒魯南涉江淮爲吳越河源循
塞垣北東及海江源循嶺徼南東及海觀兩河之象
與雲漢之所始終而分野可知矣五月一陰生而雲
漢潛萌於天稷之下進及井鉞間得坤維之氣陰始
達於地上而雲漢上升始交於列宿七緯之氣通矣
東井據百川上流故鶉首爲秦蜀墟得兩戒山河之
首故自南正達於西正得雲漢升氣爲山河上流自
北正達於東正得雲漢降氣爲山河下流陬訾在雲

漢升降中星紀得雲漢下流析木爲雲漢末派自鶉首踰河戒東日鶉火得重離正位自析木紀天漢而南曰大火得明堂升氣自明堂漸升遠於龍角曰壽星龍角謂之天關壽星在天關內故其分野在商亳西南淮水之陰北連太室之東自陽城際之亦異維也近代諸儒言星土者或以州或以國虞夏秦漢郡國廢置不同而或者猶據漢書地理志推之是守甘石遺術而不知變通之數也又古之辰次與節氣相係各據當時歷數與歲差遷徙不同今更以度數紀

之而著其分野州縣雖改隸不同但據山河以分爾
角亢壽星也初軫十度餘八十七秒十四少中角八
度終氏一度自原武管城濱河濟之南東至封邱陳
留盡陳蔡汝南之地逾淮源至於弋陽西涉南陽郡
至於桐栢又東北抵嵩之東陽中國地絡在南北河
之間首自西傾極於陪尾故隨申光皆豫州之分宜
屬鶉火古陳蔡許息江黃道栢沈賴蓼須頓胡防弦
厲之國氏涉壽星當洛邑衆山之東與亳土相接次
南直潁水之間曰太昊之墟爲亢分又南涉淮氣連

南地界記 卷之一
六
鶉尾在成周之東陽爲角分 宋史天文志東方角

宿二星爲天關其間天門也其內天庭也黃道經其
中左角爲天田其南爲太陽道右角爲將其北爲太
陰道蓋天之三門猶房之四表南門二星在庫樓南
庫樓十星六大星庫也南四星樓也在角宿南一曰
天庫旁十五星三三而聚者柱也中央四小星衡也
平星二星在庫樓北角南平道二星在角宿間天田
二星在角北天門二星在平星北進賢一星在平道

西周鼎三星在角宿上亢宿四星大角一星在攝提

間折威七星在亢南攝提六星左右各二直斗杓南
陽門二星在庫樓東北頓頑二星在折威東南 明
史天文志軫十度至氏一度壽星之次也河南之開
封角亢分鄭州氏分陳州亢分汝寧府光州懷慶府
之孟濟源溫三縣直隸壽州之霍邱縣皆角亢氏分
劉基清類天文分野亢一度西平遂平二度確山
三度光山四度息縣新蔡五度固始商城光州 玉
歷森羅紀光固介乎鶉火而息兼翼軫分野 河南
通志角亢在辰鄭分野豫州之域爲開封府許州陳

州府汝寧府光州光山息縣固始商城於南陽府爲
桐栢 光郡通志西洋之法以中氣過宮而恒星遂
有歲進之差宮無定宿而宿可以遞居各宮從明初
至今四百餘年以七十歲差一度之法較之當差六
度亢九度明初光州固始商城入亢五度今當退入
氐二度

〔按唐李淳風素專天文所撰法象志因漢書十二次
度數以唐州縣配之宋容齋洪氏譏其謬亂以爲
蔽於天而不知地良由天道健行節氣差而西恒

星差而東閱七十歲卽差一度以唐測宋烏能準
耶故房心爲豫州分野之說漢魏以前爲然耳今
以壽星爲豫州分野是誠不無所見第商城居淮
之南以禹貢淮海之地考之當在揚州之域分野
爲星紀之次乃自隋地理志而外星家無言及之
者豈狃於後世久隸汝寧遂率列於荆河豫州之
內耶然地理可稽天道難測姑存之以俟夫善言
天者

後漢書天文志鎮星主嵩高山豫玉衡第七星主豫

州常以五午日候之丙午爲汝南

運斗樞云北斗七星一天樞二璇三璣四權五衡六
開陽七播光春秋文耀鉤云外方熊耳以至泗水陪
尾豫州屬播光宋兩朝天文志云北斗七星播光去
極三十五度入角九度

宋史天文志太微垣三台六星兩兩而居三公之位
也主開德宣符西近文昌二星日上台爲司命主壽
又日上台上星主兗豫下星主荆揚又天市垣二十

二星在氐房心尾箕斗內宮之內東蕃十一星南一

曰宋西蕃十一星南七曰周八曰鄭又十二國十六
星在牛女南近九次各分土居列國之象趙北一星
曰鄭越東二星曰周魏西一星曰楚有變動各以其
國占之

山川

邑之山脉自熊耳外方桐栢歷安陸黃安至麻城光
山入商城西南界其中出者

曰九歇山迤北

光郡通志距縣一百三十里山路極巉巖歇九次

乃陟其巔

曰九峯尖

距縣一百二十里

曰黃花嶺

距縣一百一十里

曰鉢盂山

以形似得名距縣一百里

曰康王寨東北

爲銀山頂山脈之開嶂處也二界水出焉頂之西北

光郡通志山上有飛泉如白練距縣七十里

曰打鼓嶺

曰洪家山又北

日照鏡崖皆在銀山頂北界水之西頂之東少南

光郡通志崖形似鏡內有胭脂石粉石油石火石

曰竹菴山又東

距縣九十里

曰椒園山

距縣九十里

復折而北曰豹子崖其

距縣八十里

葛藤山

在南溪店八里許

馬頭山

光郡通志上有寨元末彭貫誠據此卽南溪店後

山

三峯山

舊志縣南百餘里頂有龍泉過天久晴見水浮白

色卽雨一名筆架山距縣一百一十里

四季尖

光郡通志山多竹木四季長春

扒字嶺

距縣一百里

雨尖山

光郡通志山尖有霧卽雨在南溪店里許土名雨

點山

扶子嶺

光郡通志昔人有扶于陟嶺者故名

花陽山皆以久而東在銀山頂南界水東北頂之前
元末有花陽者據此立寨因以名山距縣一百四
十里

山其西注之水迤西

舊志以其俯伏於金剛臺之下也

曰卧牛嶺天伏山又北

舊志縣南五十里如卧牛形遊人多所題咏

曰上天山山上有石洞吳真人修煉處在焉有

人山嶺石拱立似人高十五丈

河南通志人山在商城南六十里有石似人

八摺嶺在其西北又東北有

黃陂山上有寨有

虺隤山土人又名飛旗矣虺隤山之前有

光郡通志石徑陡峻馬足虺隤故名

虎皮嶺有

九龍山有

光郡通志上有古井井旁有九龍廟

椿頂山

小伏山卽章山俗名菊花尖州志又謂滕脊嶺縣治正南之文峯也

按舊志分小伏山章山爲二似誤距縣三十里

東爲金剛臺踞縣治東南一邑之鎮也相連爲

一統志金剛臺在商城縣東南三十里舊名石額

山高二十餘里延袤六十餘里雙峯並峙上有風

洞龍井宋嘉熙元年光州徙治於此元至元七年

都元帥也速帶兒略地光州敗宋兵於金剛臺元

末余思銘據此明初置巡檢司

大蘇山金水出焉其上有蘇仙遺跡其野宜竹

隋書地理志弋陽郡殷城縣有大蘇山

河南通志金漿澗水出大蘇山本名金水固始志
謂爲石槽河也

行水金鑑大蘇山在商城東四十里世傳蘇真人
升仙處

其東若孤山

舊志東南二十里大小二山相聯以形取名

橫山

以橫錯於衆山之中也一名胡太山上有興福寺

佛祖嶺

州志謂爲福字嶺誤距縣五十里

青山

卽峽口山舊志謂兩山對峙其色蒼秀故名道通

六霍行旅塞隘知縣潘會綏建廟於此距縣三十

里有五龍洞幽邃險峻

車漏山

距縣三十里

石馬槽山

張家岡

容龍山

距縣四十里

太子尖

雙廟山

上有雙河廟

黃鵠山

商城縣志
卷之二
五
七里山

山徑之長約有七里城西五十里亦有七里山

石心寨

望崗嶺

黃土嶺

距縣七十里

扁擔嶺

距縣六十里

白鶴冲

陽山

石門嶺

距縣五十里

狗跡嶺

舊志邑東五十里上有狗跡

斬馬岡

距縣八十里

桃樹嶺

距縣九十里

商城縣志
卷之一
一
鷄冠石山

周家山

上有周家大廟距縣八十里

卧鳳崗

以形似而得名者距縣九十里

霧山隨地異名皆大蘇山也

光郡通志常有雲氣覆其巔

行水金鑑太蘇山東南抵六安界東抵霍邱界周

圍約五百里

明一統志大蘇山在固始縣南一百五十里按太蘇山周廣五百里跨六安霍邱商固四境不獨邑東諸山皆是也

金剛臺之前爲將軍嶺

爲火炮山形家所爲辭樓下殿自起頂星者也

舊志謂余思銘置炮處

迤西而北曰八里岡由

土門山折而西入城爲東岡計自九畝山起伏東北行至縣南擴而東峙復轉而西落至此綿延二百餘

里脫化爲平行爲鋪毯蓋山川融會之奧區焉金剛臺之西

爲碎石嶺土岡蜿蜒屈從縣南西回北轉止於泃水之陽

曰斗山邑人比之太山北斗也上有斗山寺由土門山而北畧縣治東屈而止於木頭河之陽
曰七里岡上有真武廟北方元武之象矣
北二十里有鳳凰山山之北

有錦鷄山官擺渡河出其中縣北之門戶也

羅家坳自上門山來北有

距城二十里

大婆山有

距縣二十五里

鼓鎮山余思銘建鼓之地也

鐵林山上有寨有

距縣三十里

官鐵山昔曾產鐵官權之矣有

佛山上有佛山寺石船石龍石鶴在焉有

距縣五十里

太子岡有

砂子岡有

雙墩山有

距縣六十里巔如雙墩故名

杖杖嶺此又東北入固之分支也

九歇山之西爲黃檗山灌水之所出也灌水以西之山

一統志灌水自商城縣流入固始縣界東北入史

固始志灌水發源於商城大蘇山因產黃檗一名黃檗山高二十餘里上有田可耕爲商城西南巨峯明僧無念創建法眼寺距城一百四十里

曰土主嶺

曰上方山關門河水出焉

距城一百三十里巔有古寺

關門河之東有呂仙山

有冠石山

舊志山戴石如冠

有木廠店山

有土門坳

關門河之西有界嶺

有大僧山油河之水出焉皆以次而北

又西爲西界嶺與光山界一名黃泥崖斛山所蟠入也九水河出焉舊志謂爲栲溪十八道矣

九水河一名栲栳河

管家灣

響山寺夾溪而東西焉

舊志響山有風洞

獨山

距縣九十里衆山擁抱獨爲聳立上有寨

門坎山

距縣八十里

邱山

上有邱山寺

石鼓山

七股嶺

距城三十里

雷山

有溫泉俗名湯泉池

橫溪山

廣輿記夾水橫流相傳爲武后梳洗崖與照鏡崖對內有胭脂石粉石按本紀久道元年幸汝州溫泉與此地無涉誕矣

栗林均皆在灌水之西北

舊志云中多栗樹

又西有銅井山山有石井堅如銅因以名之

距城六十里

有茅山

光郡通志與銅井連址舊志三茅君曾寓此

有七里山山有二源一達九水河一北東自達於灌
有石尖山

距城五十里

仙棚嶺

沈家山

上有沈家廟

馬鞍山皆在石尖山之西北

光郡通志山頂有泉滴地作丁東聲旱禱輒雨立
有洞可容百人

有張家山

上有張家廟

有萬安山

高志西南三十里楚黃之通逕也上有古寨可容

萬家邑舊有萬安里

有勦王臺

舊志山有三相傳霸王較矢其上

有車轂山

縣北十五里

有打石嶺

下有打石塘

有石門冲

有三教洞山

有熊山

舊志縣北三十里屹然雄峙自梅山之西山勢相連邱壑重疊有洞深密幽暗俗傳百餘里人跡罕到

有黑凹山

光郡通志石砦烈色縣西北五十里

有梅山

距縣四十里一名梅林輿地紀勝云此山隘口至蚌港皆險

有楊家凹山

有石佛山由錦鷄山至

上有石佛寺

馬岡出境皆在灌水之陽經縣西迤北而東邑之外垣也

九歇山之東有西牛山決水出焉決水之南而東者一統志決水出商城之牛山

曰大界嶺

縣南一百四十里

曰八仙臺

其南爲雁門山山以開得名也

東爲花園山

上有花園寺距縣一百二十里

南有度牛石

距縣一百三十里

有青烟山

上有青烟寺距縣一百四十里

南爲南界嶺麻城相接壤也

又東爲火唐坳

距縣一百二十里

爲參差嶺

爲馬山

其南有黃昏山

縣南一百四十里郡志云山深谷邃人行其中竟日如黃昏蓋商之正南巨山也

南爲長嶺山山有關

縣南一百五十里

關之東有燕子崖麻城羅田之分界也

縣南一百六十里

有雙頭山

卽雙頭寨在佛下保光郡通志上兩峯並峙

東南爲竹根山

明史地理志商城東南有竹根山距縣二百四十里

光郡通志竹根山盤亘二百餘里內有招軍躲軍
三官鉢盂金家甕門松苔等寨九龍七龍等灣大

寨老寨等山黑羊董家等冲嶺延穴密荒翳險阻

舊志謂元末徐壽輝據此明宏治時董宦亦據此
是爲商之東南奧區也

高田嶺在其西北過嶺西南二十里爲松子關東南
三十里爲同羅關俱南與羅田界

上岐嶺在其東北度嶺東南三十里

有土地嶺南十里有栗子關亦南與羅田界
其東有東葛山有

秀峰特立中多薜蘿蟠繞望之蒼翠

中岐山有

距縣一百六十里

亂泥寺山有

黃家壩有

李家山有

望燈山有

距縣一百三十里山孔成月形望之若燈

黃桑崖有

紅旗山有

二山皆距縣一百二十里

張公山以次而北皆與靈山六安分界者也凡自西牛山至此悉爲邑東南之屏翰決水之南界也

決水出西牛山一名大別山

一統志決水源出商城之牛山名牛山河東北流入固始名史河

水經注決水出廬江雩婁縣南大別山俗名之爲檀山峴其水歷山委注而絡其縣也又巴水出雩婁縣之下靈山卽大別山也與決水同出一山故世謂之分水山亦或曰巴山

固始縣志按大別山有二一在漢陽縣北禹貢內方至於大別是也一在安豐縣西南水經在廬江安豐縣西南大別山是也安豐大別山在今商城羅田交界巴水出其南決水出其北

八仙臺之水南來匯之東北流過關王廟

清白河自雁門關南來注之

花園河自銀山頂北來注之東北過火唐均爲夾河佛南河自南界嶺青烟寺過覺成寺挾黃昏山之水

入之

又東北過筆架山南竹根河合諸水自牛食阪南來入之

〔接〕竹根河一發於松子關北流爲柳林河一發於栗子關一發於土地嶺合流爲蔡家河上岐嶺之水自東入之至中岐嶺會柳林河爲小河長嶺關之水自西來入之東葛山會亂泥寺之水自東來入之北流過牛食阪歸夾河

又東北過花陽山麻河自西來挾狗跡嶺之水入之麻河之源有二一出方家冲入湯家灘一出脰隕

山由四道河經湯家匯下爲麻河

狗跡嶺在縣東南水自東而西至雙河廟屈而南
又名雙河入麻河

泱水又東過土鎮寨土人名爲寨河矣

舊志名水東寨與六安州金家寨連

又東北過霍邱開春集西長江河水自西北來由黃
土冷注之又北流入固始爲史河

固始志張邦伸云長江二河源出商城縣東椒園十

五里入固始境名皂靴一河至黃土冷入史河

按皂靴河發源金剛臺之南椒園坳東過花園寺前入固始縣逢泉寺河歸霍邱葉家集大河卽史河灌水出黃檗山一名大蘇山

漢書地理志雩婁灌水所出北至蓼入泲

許慎說文解字灌水出雩婁北入淮

元豐九域志固始縣有大蘇山灌水宋商城省入固始故不言商城

一統志灌水自商城縣流入固始縣界東北入史固始志灌水發源於商城大蘇山因產黃檗一名

黃檗山

北流過呂仙山九歇山之水會九峯尖之水自東來注之名木厥河又名王家河

又東北逕長竹圍關門河自上方山西來注之

油河自大僧山東北至盛家店入之

銀山頂北界水過卧牛嶺大伏山之水自東來至柴家店匯入之

九水河自西界嶺至余家集銅井山迤南七里山迤

西之水匯之屈從邱山寺南北東逕七股嶺注於澗

名龍潭河

行水金鑑謂灌水出斛山卽此實九水河之源舊志所謂栲溪十八道者也

鄭家河自金剛臺東來入之

舊志金剛臺貓兒石之西流爲鄭家河至官坂卽下馬河由縣南八里繞西入龍潭河

溫泉自雷山西來入之

光郡通志縣西南三十里有溫泉泉根有硫黃冬夏沸熱昔人斃池爲四初源熱不可投第三四池

方溫和可浴餘波入龍潭河

七里山之水自南來北東入之

涵水自金剛臺西北屈從縣南流西北過斗山至三里橋土門山之水屈從縣東北流會之爲木頭河入於灌

許志縣東盛家灣有源焉由城東繞至城北三里橋入於木頭河舊志曰二水交流者也

按固始志涵水味甘可造酒故新鄆有涵酒之稱舊

志引許氏說文涵水出汝南新鄆入潁涵音細水

經注細水東經新陽縣故城北又東南逕宋公縣
故城北皆指太和之細水與此地無涉 康熙字
典載集韻思晉切音信亦水名不著所在則此地
之涵水或卽音信之涵水與

灌水東北逕石佛山爲官擺渡又東北逕錦鷄山南
岸爲鳳凰山又東北過上石橋又東北入固始境爲
幽河

石漕河一名金漿水源出大蘇山

一統志石漕河源出大蘇山在固始縣南一百五

十里河南通志金漿澗在固始縣境內源出大蘇山本名金水以此水味甘如漿故改今名

固始縣志石漕河源有三一出商城縣金剛臺黑龍潭名琉璃河一出商城北阪凹名沙河一出大蘇山名子安河大蘇山一名黃土嶺在固始南一百五十里與商城接壤因蘇仙遺蹟得名非灌水所出之大蘇山也

北流逕蘇仙石名子安河

又北至白鶴冲琉璃河水自西來注之

舊志金剛臺黑龍潭水由皂靴河下琉璃河狹水
潔迅湍中石齒磊落鏗然有聲北流二十里歸于
安河按皂靴河在金剛臺南東北至固境雷家集
自達於史

又北名二道河佛祖嶺水自西來入之

陽山東冲水自東來入之

又北流沙河自西來注之高家河自霧山東來入之

光郡通志沙河源出火炮山東北會二道河入史
又北流至古蓼潭入固始境又北至兩河口與史河

會

固始志古蓼潭俗名郭陸灘石漕河至此始叫行舟

〔按〕大蘇山東北谿河層出如獨山東嶽廟等水皆入于安河第此地與固始交界犬牙相錯其發源不在邑境者姑畧之所以慎疆域也

淖水一名白鷺水土名雙輪河源自光山來經縣西銅井山北仙棚嶺南之水自東注之

水經滌水又東北淖水入之酈道元注水出弋陽

縣南垂山西北歷陰山關舊志南垂山在今光山
麻城交界名分水嶺

光山縣志雙輪河在縣東南六十里源出縣東南
一自三十里中界嶺東經雙輪集爲雙輪河又東
北入光州界又東南流爲白鷺河又東會史河入
淮

又受縣西北沈家山之水

又受仙棚嶺北注之水逕雙柳樹入光州境

詔虞水自縣北熊山西北流會黑凹山之水爲春河

商場縣志 卷之一
北二十里至固始北廟集西白鷺河受之

水經注詔虞水出南山東北流逕詔虞亭東而北入淠水

固始縣志詔虞水卽今春河也發源熊山東北流八十里遶吳家集東吳家集卽古詔虞亭舊址也又北十五里至春河又北二十里至北廟集西入白鷺河

〔按〕邑處中州東南隅闕入吳楚境內山重水複登臨者幾莫辨方向高志許志兩經編纂率皆迫於室

檄僅存其梗概而已。光郡通志較詳，然紙上山川頗見原委，按之實境多所刺繆。開吉下車以來，每於因公下鄉之際，周歷四境，考其高卑，探其異奧，近復徵之古籍，証以各志於山水之脈絡，恍然有得。因仿唐一行山河兩戒之憲，析山爲三界，水爲二導，源於西南，窮流於東北，借註詮於羣籍，不敢叅以臆私，考決灌於水經，仍卽求之形勢。山錄其大者，關鎖過峽處，雖小不遺。水溯其發源，逕過會歸處，必確西北之水歸雙輪河，而詔虞之源得之。

熊山東北之水統歸史河而石漕河之幹必本於
大蘇支分節解脉聯絡注庶於山川真面目有合
乎

附塘

商邑地非平敷雜處山冲因澤爲塘若遇山水
陡落則衝去便堤僅書其尙堪潞蓄者以標其
概

王家塘

縣東門裡嶽廟
後

儒學後塘

有碍縣脉今已
填

熊家塘

城內東北角有碍縣
脉官買官填

周家塘

卽萬字塘城內
東北角

劉家花園塘

城內西北角

塔院塘

城內西北角

熊家塘

城東關外

坑陂塘

縣東四十里

劉家塘

縣東北武家橋五十里

潘家塘

縣南門外

花園塘

南去邑八十里

平陂塘

縣西一里

花潭書院塘

北門外之東

張家塘

縣北一里

王家集塘

北去邑三十里

熊家塘

北去邑三十里

附堰

沿山引水以資灌溉雨澇則流自去旱久則流即斷邑之堰不可勝紀舉其大者畧其小者以

廢興之

無時也

石梁堰

縣東北五十里

千工堰

縣東南三十里又九十里有二

洪家堰

南去邑百里

童芬堰

南去邑百餘里

涵河堰 東南十五里

白水堰 東北六十里

附湖

邑北地勢稍平水無所注古人乃因勢鑿湖積水澆田若亢旱日多則為涸轍矣

上紫江湖 北四十里

月牙湖 北四十五里

中紫江湖 北四十五里

下紫江湖 北五十里

坑陂湖 北五十里

甘家湖 北五十五里

楊家湖 北六十里

黃家湖 北六十里

蕭家湖 北六十里

徐家湖 北六十里

四港湖 北六十五里

以上皆從許志補入

附潭 從光郡通志補入

聖心潭 南五十里以其水清而止如聖心也

九女潭 南六十里舊志謂兵亂九女投入故名

白龍潭 在城南十里許香下保澄滋如鏡冬夏長滿土人相傳其源與金剛臺烏龍潭潛通

歷任祈雨多應壬戌夏旱開吉偕僚屬紳士步禱于潭甘露立沛四野沾足謀立廟

祀之洵所謂靈足庇民者歟

疆域 附形勝十景

商城縣自明成化十一年析固始縣東南青峯鄉永豐鄉爲縣治隸汝寧府光州在府城東南二百九十里在州城東南一百二十里西北至河南省城九百

里有奇北至

京師二千七百里有奇雍正二年升光州直隸邑屬焉
東至安徽鳳陽霍邱縣界一百二十里自界至霍邱
縣城一百里通計二百二十里

西至光山縣界六十里自界至光山縣城七十里通
計一百三十里

南至湖北黃州府羅田縣界二百四十里自界至羅
田縣城一百四十五里通計三百八十五里

北至固始縣界六十里自界至固始縣城六十里通

計一百十里

東南至安徽六安州界一百二十里自界至六安州城二里通計三百二十里

東北至固始縣與北至固始同

西南至湖北麻城縣界九十里自界至麻城縣城九十里通計一百八十里

西北至光州界六十里自界至光州城六十里通計一百二十里

計廣一百八十里袤三百里

附形勝

邑形連勢結襟山帶流五關屏峙於當陽二水潑洄
於四境山脈則溯從桐栢水滙則貫乎蓼潭錦鷄鳳
凰鎮北門之鎖鑰銀山小伏煥南國之文星水緊沙
迴山環嶂複洄吳楚之屏翰實中州之扞蔽郡志稱
爲溪流百派概滙期思寧岫千層下連六霍界嶺之
南羅田之巖壑蒼茫五關之北營弁之巡瞭森密誠
光郡之要區亦卽中州之重地也省志商城高山可
以備禦巨谷可以潛伏岩洞關隘可以固守中州巨

鞍山雨信

車轂曉鐘

〔按高志餘景附船石橫洲一則在城南四十里卽石船地出章山之陽竒石天然橫斜洲渚間宛似孤舟又城東南五十里有石船在田阜中僅現其半與此有辨胥自然之異也故附識之〕